

QEQERTALIK

SIUMUT INGERLASOQ



 KOMMUNIMUT QINERSINEQ 2025





SIUMUT INGERLAQQISSAAGUT

Nunarput ukiuni sisamani tulliuttuni politikikkut aqutsisussanik qinersisussanngorpoq. Qinersinerup inernera apeqqutaalluni tamatta siunissarput titartarneqartussaavoq. Una saqqummersitaq atorlugu, sunik pingaartitaqarluni anguniagaqarlunilu Siumut inissisimanersoq atuarsinnaavat. Siumut ineriartornissarput atugarissaarnerulernissarpullu pillugit pisarnermisut Inuiaat Kalaallit salliutillugit sulinerminik nangitsissaaq.

Quppersakkami Siumup tunngaviusumik pingaartitai suunersut paasissavatit, taakkulu tunngavigalugit atukkatigit naligiinnerulernissamik, kulturitta pingaartinneranut, inuiaqatigiittut ineriartoqqinnissatsinnut namminiussuseqarnitsinnullu Siumut suliaminik nangitsilersoq paasissavat.

Nunarsuaq allanngorartooq ilisimaaralugu inuiaqatigiittut ataatsimoorluta aqut tigummissavarput. Siumut tassaajuassaaq inuiaqatigiinnik nukitunerulersitsisoq aamma kalaallit tamatta periarfissaqarluarnissatsinnik siuarsaajuartoq.

Kommunimut qinersineq tassaannaangilaq politikikkut siuttussanik toqqaaneq; assinganik pingaartigaaq inuiattut ataasiussuseqarnitsinnik pingaartitsillunilu takutitsinissaq aamma takorluukkatsinnik piviusunngortitsissalluni piginnaaneqarneq. Kajumissaarpatsigit peqataaqqullutit, anguniakkallu ilusilersueqataaffigalugit.

Tamatta pineqarpugut, aamma illit. Ataatsimut SIUMUT ingerlasa, aalajangeriataallaqqissuseqarluta erseqqissunillu anguniagaqarluta.

Ukiuni tulliuttuni suliniutiginiakkavut tamaasa uani inissaqartinngilagut. Taamaattumik qineqqusaartut ataasiakkaat qineqqusaarutaat ilanngullugit maluginiarigit. Suut allat sulissutiginiarnerivut pillugit qaqugukkulluunniit attaveqarsinnaavutit, una atorlugu: frantz@attat.gl.

Frantz Lundblad

Siulittaasoq

Ataatsimut Siulersuisut, Qeqertalik



KOMMUNERPUT TOQQISSISIMANARTUMIK INGERLAQQISSAAQ

Siumup sulissutigissavaa, inoqarfinni tamani inuit ornittagaat atorluarlugit peqatigiinnermik ikorfartueqataaneq, soorlu **timersornermik ingerlatsisut, peqatigiiffilerisut, pilersitsisartut, kulturilerisut, eqqumiitsuliortut, nipilersortartut** allallu inooqatigiinnitsinnut nukittorsaasut erseqqissumik tapersorsornerisigut.

Meeqqat atuarianni soraarummeertut naammassillutik soraarummeertarnissaat siuarsarneqassaaq, ilinniarnermut ingerlaqqittarnissaat ilanngullugu. **Meerartavut inuusuttavullu tamarmik siuariartussapput.** Meeraq ataaserluunniit saaffissaqarani unissanngilaq, taamaattumillu ilinnialernissaanut praktikerfissaqarnissaanullu kommuni suleqataasaaq.

Innuttaasut tamatta pisussaaffigaarput inoqatitta peqqinnartumik inuunissaannut aqqutissiuusseqataassalluta. **Innarluutillit** sullinneqarnerat, inuit pisinnaasut nammineersinnaanerat, **ilaqutariit atugaat** aamma **meeqqat inuusuttullu** periarfissaqarluarnissaat qitiutillugit kommunerput siulersorneqassaaq.

Sanaartornerup aqqissuussaasumik nakkutigineqartumillu ingerlanneqassaaq. **Akilersinnaasatsinnik najugassaqaarnissarput SIUMUT** ingerlanissatsinnut pingaaruteqarpoq.

Meeqgeriviit naammattut angajoqqaanut periarfissiissutiginnissaat ilanngulluni pingaaruteqarpoq naammassineqartussaaq.

Meeqqat angerlarsimaffiup avataanut inissinneqartartut ikilisarneqassapput. Siumup sulissutigissavaa **ilaqutariit suleqatigalugit** ataatsimoorluni ikiorserneqarfiusinnaasumik sakkusanillu aallerfiusinnaasunik pilersitsinissaq. Siumup pingaartitaraa ilaqutariit nukittuut peqqissullu ikorfartussallugit.

Eqqakkanik passussisussatut suliffeqarfik esane pissusissamisut ingerlalnissaata tungaanut **eqqakkanik ikuallaaneq** avaqqunneqarsinnaanngitsoq ingerlanneqassaaq.

Kommunitsinni angallannikkut periarfissat atoruminartumik pilersaarusionerqarnissaat qinikkat suleqataaffigissavaat, soorlu **ukiunera silaannakkut** angallannerup pitsanngorsarneratigut.

Inuussutissarsiutit siuarsarneqassapput

Kommunitsinni ineriartorneq qulakkeerumallugu, inuussutissarsiutit amerlanerulerlutillu patajaatsumik ingerlanissaat aqutissiuunneqassaaq.

Kommunerput SIUMUT ingerlassaaq, suliffeqarfiillu amerlanerusut innuttaasunik kiffartuusseqataasussat sumiiffinni tamani pisariaqartinneqarput. Ilanngullugu Siumup qularutiginngilaa, aalisarneq ullumikkornit annertunerusumik ineriartortinneqarsinnaasoq.


Aalisakkanik tunitsiviit pilersinnissaannut piareersaataareersut naammassineqassapput aamma inuussutissarsiutiniq piorsaasoqassaaq, soorlu qeqqussat misileraaffiusareersut nangillugit.

Politikikkut siuttut inuussutissarsiortut suleqatigalugit erseqqissumik anguniagaqarlutik siuarsaaqataassapput.



Inuussutissarsiornikkut siuariartornissaq pillugu nunaqarfinni talittarfiit ataavartumik piorsarneqassapput. Najugaqarfipput ataqatigiissumik ineriartoqqullugu sumiiffiit tamarmik malinnaatinneqarlutik assigiimmik kiffartuunneqassapput.

Ineriartorneq qulakkeerniarlugu avataaniit aningaasaliisinnaasut qinikkanittaaq ujartorneqarnerussapput.



Kommunit aaqqissuunnerat

Inuit qitiutillugit ingerlassapput. Taakku innuttaasunik kiffartuussiviupput.

Kommunit kattussuunnerat innuttaasut pillugit nalilersoqqinneqassaaq. Inuit pillugit sulineq qanimullu oqartussaaqataaneq uterteqqinneqassaaq. Qinerseriaatsit ilanngullugit nalilersorneqassapput, sumiiffinniit sinniisuutitaqarnissaq pingaaruteqarmat.

Tamanna qularnaarniarlugu SIUMUT sulissaaq, nuna tamakkerlugu inatsisiliortut suleqatigalugit.

QEERTALIMMI SIUMUP QINEQQUSAARTITAI PIUKKUNNARLUARTUT UKUUPPUT



Lars Peter Mølgaard



Lars Lundblad Iversen



Knud Danielsen



Karl Thue Nathanielsen



Kaja Olsen



Frantz Lundblad



Ejner Davidsen



Aqqalu Reimer



Aqqa Jensen



Aqqa Samuelsen



Ane Petersen



Åge Motzfeldt



Victoria Rafaelsen



Peter Kleemann



Per Ole Frederiksen



Paneeraq Sandgreen



Ole I Frederiksen



Nikkulaat Jeremiassen



Marius Samuelsen



Larseeraq Bethelsen



PILERSIKKUMALLUGIT...

SIUMUP TUNNGAVIUSUMIK PINGAARTITAI QULIT

Siumup tunngaviusumik pingaartitalugit siunertai qulit tassaapput ulluinnarni anguniakkat saniatigut allannguajaallutik Siumup toqqammavigiuarsimasai. Siumup anguniagai tamakkiissut uani nanineqarsinnaapput:

<https://siumut.gl/anguniakkavut/>



Qeqertalik Siumut ingerlasoq

Qeqertalik kommunitut pilersinneqarmat, innuttaasunut ajunnginnerusumik kiffartuussisoqalernissaanik neriuut pigineqartoq sapanginneqassanngilaq. Siumut suliumavoq, kommuninngornitsinnut peqquataasut iliuuseqarfigissallugit, tamattalu pilluta piviusunngortissallugit.



Angallannikkut nioqqutissanillu

pilersorneqarneq nassiussuisinnaanerlu aaqqissuussinerusaaq eqaatsoq. Periuseq inuussutissarsiortunut naleqqussagaq kommunitisinni atulissallugu pisariaqarpoq.

Ukiukkut aavartarneq

napaannarsinnaaqqullugu suliaqartoqassaaq aamma nunaminertat eriagisassatut aalajangersakkat, innuttaasut avaqqullugit pinngisaannassapput. Inuiaat Kalaallit ulluinnarni inooriaasaannut akerliusumik aaqqissuussisoqassanngilaq.

Periarfissarpassuaqarpugut

Piumassuseqarpugut inuussutissarsiornikkut ineriartorneq toqqassallugu. Erngup nukissiorfiliorniarnep malitsigisassai allat aamma sulissutigineqartariaqarput. Nukissiorfiit allaat nunarsuarmioqatitsinnit iluaqutigineqarsinnaasut, uagullu aningaasarsiutigisinnaasavut, ineriartortissallugit piumassuseqarpugut.

Nunarujussuaq atornagu isiginnaarparput, niuernikkullu ineriartortitsinissaq pimoorullugu aallartissagipput Siumup pingaartutut isigaa.

Takornariaqarnermut suleriuseq sumiiffikkaartumik naleqqussagaq piviusunngortinneqassaaq, inuit malinnaaffigalugulu tarrarsorfigisinnaasaat.

Inuit inuussutissarsiutitut iluaqutigisinnaasaat qinikkanit suleqataaffigineqarlutik siuarsarneqassapput.

